

欽定四庫全書薈要

集部
總集類

吉林出版集團有限責任公司
海天出版社

目次

書名	卷次	頁次	作者
宋詩鈔	卷六七—卷一〇六		清・吳之振撰
陸游 劍南集		四八五—一	
卷六八		四八五—一八	
陸游 劍南集		四八五—三四	
卷六九		四八五—五八	
陸游 劍南集		四八五—七四	
卷七〇		四八五—一三	
陳傅良 止齋集		四八五—一三八	
卷七一			
楊萬里 江湖集			
卷七二			
楊萬里 荆溪集			
卷七三			
楊萬里 西歸集			

書名	卷次	頁次	作者
卷七四 楊萬里 南海集		四八五—一五〇	
卷七五 楊萬里 朝天集		四八五—一七四	
卷七六 楊萬里 江西道院集		四八五—一九一	
卷七七 楊萬里 朝天續集		四八五—二〇三	
卷七八 楊萬里 江東集		四八五—二二六	
卷七九 楊萬里 退休集		四八五—二三四	
卷八〇 薛季宣 浪語集		四八五—二四八	
卷八一 葉適 水心集		四八五—二六六	
卷八二 林光朝 艾軒集		四八五—二八四	

書名	卷次	頁次	作者
卷八三 樓鑰 攻媿集 卷八四 趙師秀 清苑齋集 卷八五 翁卷 葦碧軒集 卷八六 徐照 芳蘭軒集 卷八七 徐璣 二薇亭集 卷八八 黃公度 知稼翁集 卷八九 劉克莊 后村集 卷九〇 劉克莊 后村集 卷九一 王廷珪 瀟溪集		四八五—二九二 四八五—三一六 四八五—三二九 四八五—三四〇 四八五—三四九 四八五—三五八 四八五—三六五 四八五—三九一 四八五—四一八	

書名	卷次	頁次	作者
卷九二		四八五—四三二	
劉宰 漫塘集			
卷九三		四八五—四四三	
王阮 義豐集			
卷九四		四八五—四五四	
戴敏才 東臯集			
卷九五		四八五—四五六	
戴復古 石屏集			
卷九六		四八五—四八六	
戴復古 石屏集			
卷九七		四八五—五一九	
戴昺 農歌集			
卷九八		四八五—五二六	
鄭震 清雋集			
卷九九		四八五—五三〇	
謝翱 晞髮集			
卷一〇〇		四八五—五四八	
謝翱 晞髮續藁			

書名	卷次	頁次	作者
卷一〇一 文天祥 文山集 卷一〇二 許月卿 先天集 卷一〇三 林景熙 白石樵唱集 卷一〇四 真山民 山民集 卷一〇五 汪元量 水雲集 卷一〇六 梁棟 隆吉集		四八五—五五六 四八五—五六二 四八五—五七〇 四八五—五八五 四八五—五九四 四八五—六一六	

欽定四庫全書薈要

集部
宋詩鈔卷六十七

欽定四庫全書薈要卷二萬三百二十

集部

宋詩鈔卷六十七

內閣中書舍人吳之振編

陸游劍南詩鈔四

齋中雜興十首以丈夫貴壯健慘戚非朱顏為韻

成童入鄉校諸老席函丈堂堂韓有功英傑今可想從
父有彥遠早以直自養始終臨川學力守非有黨紛紛
名它師有汎在其穎二公生氣存千載可畏仰

欽定四庫全書

宋詩鈔
卷六十七

士生學六經是為聖人徒處高師顏原出當致唐虞斯
文陣堂堂臨敵獨援枹異端滿天下一掃可使無乃知
立事功先要定規模彼雖力移山安能奪匹夫

公議在天下如人有元氣平居失護養一旦可勝諱神
丹卒難求百疾起如蝟奄奄息僅屬熟視吁可畏大義
在春秋遺跡悲漢魏君看徐孺子底物視富貴

昔我自蜀歸耆舊已凋喪後來二三公尚慰天下望千
里一紙書殷懃問亡恙嗚呼亦已矣遺語寄悲愴我亦

詳校官候選知縣臣吳甸華

迫桑榆使恐無輩行夜窓對青燈力憊心尚壯

餘齡垂八十雖憊猶強飯正如老病馬風沙時一噴玉
闕眇何許道里何啻萬目中捩歷歷欲進不能寸矯首
望秋空徒羨霜鶻健薤骨亦何悲吾非麒麟楨

琅琅誦詩書尚記兩髦髫誰料七十年沉滯終坎窞炊
突映茅廬日暮烟慘慘恐窮端已熟撫事空自感狂言
悔噬臍衆訾驚破膽尚有愛書心還如嗜菖歎

去國已酉冬忽見十頌歷衰殘口兩齒困阨家四壁時

欽定四庫全書

宋詩鈔
卷六十七

三

看溪雲生飽聽簷雨滴悠然度寒暑何處著欣戚幽人

豈知我月夕聞吹笛何當五百歲相與摩銅狄

湖中秋佳時

每聞笛聲淒甚莫知何人意其隱君子也

扁舟東下峽日月去若飛當時筆硯舊久已晨星稀俊

逸如伯渾簡詣如知幾天高鬼神惡回首萬事非我欲

泝黃牛買屋居青衣九原不可作哀哉誰與歸

荷鉏草堂東藝花二百株春風一朝來白白蕪朱朱南

列紅薇屏北界綠芋區偃蹇雙松老森聳萬竹矍餘地

不忍弗揅援引瓠壺何當拂東絹畫作山園圖

閒居寂無客柴門晝常闔孤舟小於葉放浪煙水間樹
暗楊梅村露下白蓮灣釣魚樵風溼買酒石帆山向來
支許輩恐亦無此閒道逢若耶叟握手開蒼顏

觀畫山水

古北安西志未酬人間隨處送悠悠騎驢白帝城邊雨
挂席黃陵廟外秋大網截江魚可膾高樓臨路酒如油
老來無復當年快聊對丹青作卧遊

欽定四庫全書

宋詩鈔
卷六十七

三

讀蘇叔黨汝州北山雜詩次其韻

暑耘日炙背寒耕泥沒脚衆人占膏腴我獨治磽确力
盡功未見厥土但如昨豈惟窘糠粃直恐轉溝壑今年
雨暘時天如相耕穫屋頌未暇扶且復補籬落

祠官粟一囊不贍軀七尺前年蒙寬恩例許乞骸骨聯
翩三兒子俱作鵲雀碧賦祿雖尚遠亦足慰衰白幅巾
茆簷下稱病謝來客從今門前路永掃車馬跡

德孫秀眉宇慨然脩初服枯腸貯詩書十飯九不肉成

童將覓舉想見袍立鵲先澤儻未衰豈無五秉粟汝能
記吾言併以告阿福閉門勿雜交一經萬事足

枕上作

蕭蕭白髮臥扁舟死盡中朝舊輩流萬里關河孤枕夢
五更風雨四山秋鄭虔自笑窮耽酒李廣何妨老不侯
猶有少年風味在吳牋著句寫清愁

示友

道向虛中得文從實處工凌空一鶚上赴海百川東氣
骨真當勉規模不必同人生易衰老君等勿忽忽

開東園路北至山腳因治路傍隙地雜植花草

清溝東畔翦蓁菅雖設柴門盡日關遠引寒泉成碧沼
稍通密竹露青山幽花泣露開仍落好鳥穿林去復還
更上橫岡吾所愛小兒試覓屋三間

父子追隨一笑傾東園東畔路初成夾栽芳草如繩直
前出籬門似砥平春近野梅香欲動雨餘溝水細無聲
今朝有意誰能識不用人扶亦自行

欽定四庫全書

宋詩鈔
卷六十七

四

病眼逢人每嬾開正須此地洗氛埃數枝梅向林梢出
一朶泉從嶺背來藤枝有時緣石磴風爐隨處置茶杯
殘軀自笑如春草又喜天邊斗柄回

連日治圃至山亭又作五字

好竹千竿翠新泉一勺冰殘蕪襯落日老木上寒藤細
磴歌難過危欄曲可憑歸時忽已暮點點數漁燈

歲暮書懷

世事從來不可常把茆猶幸得深藏牀頭酒氣寒難熟
瓶裏梅花夜更香薄命元知等蟬翼畏途何處不羊腸
詩成讀罷仍無用聊滿山家骨董囊

初春感事

馬跡連聲是處忙經旬無客到龜堂水初泛溢黏天綠
梅欲飄零特地香世事紛紛人自老歲華冉冉日初長
百錢不辦旗亭醉空愛鵝兒似酒黃

先少師宣和初有贈晁公以道詩云奴愛才如蕭
穎士婢知詩似鄭康成晁公大愛賞今逸全篇

欽定四庫全書

宋詩鈔
卷六十七

五

偶讀晁公文集泣而足之

仕不逢時勇退耕閉門自號景迂生遠聞佳士輒心許
老見異書猶眼明奴愛才如蕭穎士婢知詩似鄭康成
早孤遇事偏多感欲續殘章涕已傾

追感往事

諸公可歎善謀身誤國當時豈一秦不望夷吾出江左
新亭對泣亦無人

紹興辛酉予年十七矣距今已六十年追感舊事

欽定四庫全書

宋詩鈔
卷六十七

作絕句

常憶初年十七時朝朝烏帽出從師與許子威輩同從
絕季和先生晨興

必具帽
帶而出忽逢寒食停供課正寫簪書作贗碑

雨晴風日絕佳徙倚門外

茶甌無端廢午眠杖藜信步到門前青裙溪女結蠶卦

白髮廟巫催社錢

章老三年病方死吳翁一夕呼不醒獨有此身頑似鐵

倚門常看暮山青

章吳皆鄰人
以去冬死

春遊

春風隄上草萋萋草軟沙平護馬蹄似蓋微雲繞障日
如絲小雨不成泥千秋觀裏逢新燕九里山前聽午雞
追憶舊遊愁滿眼綠船曾繫畫橋西

春雨

狼籍殘花滿地紅擁衾孤夢雨聲中人生十事九堪歎
春色三分二已空但有老盆傾濁酒不辭衰鬢對青銅
長貧博得身強健久矣無心咎化工

欽定四庫全書

宋詩鈔
卷六十七

藥爐茶竈淡生涯聽雨猶能惜物華燕岸頭添三尺水

沾泥不貸一城花間摩病眼聞書卷時傍危欄弄釣車

稚子孤行八千里喜聞炊熟可還家

家僮自行在來報
子布寒食前可到

家唐人以寒食
前一日為炊熟

自笑平生嬾是真閉門高枕動兼旬海棠千片已隨水

杜宇一聲無復春綠酒盈樽足忘老朱櫻上市正嘗新

今朝雨止通溪路又向沙頭岸幅巾

三月十六日至柯橋迎子布東還

江國常年秋鴈飛
吾兒遠客寄書稀
道途一見相持泣
鄰曲聚觀同載歸
草草杯盤更起舞
匆匆刀尺旋裁衣
從今父子茆簷下
回首人間萬事非
我似傷禽帶箭飛
更憐汝作鴈行稀
異時恐抱終身恨
此日寧甘徒步歸
萬里外應勞遠夢
三年前已挂朝衣
斷編蠹簡相從老
絕念功名亦未非

初夏野興

扇墮巾欹午夢回
鳴鳩又喚雨絲來
數行楮帖臨窓學

欽定四庫全書

宋詩鈔
卷六十七

一卷陶詩傍枕開
糠火就林煨苦筍
蜜甕沉井漬青梅

父人行復巍然出
老大難堪節物催

衡門

曲徑衡門短短籬
槐楸陰裏倚筇枝
老來百事不入眼
惟愛青山如舊時

朝饑示子聿

水雲深處小茆茨
雷動空腸慣忍饑
外物不移方是學
俗人猶愛未為詩
生逢昭代雖虛過
死見先親幸有辭

八十到頭終強項
欲將衣鉢付吾兒

晨興

小雨過郊墟
晨興一事無
殘榴重結藥
新燕續生雛
書細猶能讀
行遲漸要扶
蔬畦恐蕪沒
且復課僮奴

西村

亂山深處小桃源
往歲求漿憶叩門
高柳簇橋初轉馬
數家臨水自成村
茂林風送幽禽語
壞壁苔侵醉墨痕
一首清詩記今夕
細雲新月耿黃昏

欽定四庫全書

宋詩鈔
卷六十七

放歌行

少年不知老境惡
意謂長如少年樂
朝歌夜舞狂不休
逢人欲覓長生藥
三二十年底難過
屈指朋儕餘幾箇
就令未死身日衰
朱顏已去誰能那
人間萬事如奕碁
我亦曾經少壯時
兒曹紛紛不須校
歲月推遷渠自知
閉戶

收身歸死鏡湖傍
閉戶悠悠白日長
巷僻斷非容駟路
腸枯那有蹴蔬羊
書生正可蹈東海
世事漫思移太行

睡起不知天早暮坐看螢度篆盤香

長饑

病卧窮閭負聖時本來吾道合長饑朝不及夕未妨樂
死何如生行自知早年休學仗下馬末路幸似泥中龜
煙波一葉會當逝吹笛高人有素期

山齋書事

山榴子結又重開巢燕雛飛却續回燕有三生
離乃去者雨足人

畦千頃稻日長風舞一庭槐浩歌縱酒愁仍在作意觀

欽定四庫全書

宋詩鈔
卷六十七

書睡已來常恨流年不相貸若為更著暮蟬催

晚至新塘

青鞵隨意出柴荆聊向南唐曳杖行歸鳥已從煙際沒
斷虹猶在柳梢明城頭層堦凌空立浦口孤舟竝岸橫
向道有詩渾不信為君擁鼻作吳聲

早秋南堂夜興

水注橫塘藻荇香候蟲唧唧滿空廊風前落葉紛可掃
天際疎星森有芒夜漏漸長愁少睡秋衣未製怯新涼

明朝知有欣然處寫得黃庭又幾行

新涼書懷

藥物扶持病少蘇殘年不恨老菰蘆潦收溪鰕魚爭售
歲樂村場酒易沽無日檀林無墜葉檀木自夏至秋日
有落葉不可勝掃
有時燕戶有新雛今年燕屢生雛
七月望猶未止秋風礫起扁舟興安
得州家復鏡湖

鄰曲今年又有年垂髫戴白各欣然先輸官庾無逋賦

共賽神祠有社錢退傳寄聲情緝密連得周丞相
書細字滿幅晦翁

欽定四庫全書

宋詩鈔
卷六十七

入夢語蟬聯昨夕夢朱
元晦甚款燈前細與兒曹說蠹簡猶堪數

世傳

燒香

寶熏清夜起氤氲寂寂中庭伴月痕小斷海沉非弄水
旋開山麝取當門密房割處春方半花露收時日未曦
安得故人同晤語一燈相對看雲屯

枕上

呼喚初夜上門關怕冷貪眠自笑孱月色橫分窓一半

秋聲正在樹中間暮年不復樽前樂浮世無如枕上閒
鍊句未安姑棄置明朝追記尚斑斑

山園書觸目

山近雲生易人稀鳥下頻瘦篁穿石竅古蔓絡松身熟
摘巖邊果乾收澗底薪經過不相識喚作避秦人

村舍

篠屋楓林下

山中人以篠覆舍厚密過于茅

柴門茨浦旁先鳴雞腦膊

徐上日蒼涼服藥貧寧輟觀書老有常仍須教童穉世

欽定四庫全書

宋詩鈔
卷六十七

世力耕桑

生理嗟彌薄吾居久未完蝶飛窓紙碎龜坼壁泥乾小

雨牛欄溼微霜碓舍寒晚禾蟲獨少鄰里共相寬

今年晚禾

苦蟲蛇予鄉獨免

對食戲詠

一飽欣逢歲小穰時憑野餉誑枯腸橙黃出曰金整美

蒜脆供盤玉片香客送輪囷霜後蟹僧分磊落社前薑

秋來幸是身强健聊為佳時舉一觴

懷昔

偶住人間日月長細思方覺少年狂衆中論事歸多悔
醉後題詩醒已忘豈作鯨吞吁莫測谷埋山塹浩難量
老來境界全非昨臥看縈簾一縷香

賽神

歲熟鄉鄰樂辰良祭賽多荒園拋鬼飯高杙置神鵝

村人

謂祭神之牲曰神猪神鵝

人散叢祠寂巫歸醉臉酡饑鴉更堪笑鳴

噪下庭柯

欽定四庫全書

宋詩鈔
卷六十七

小立

紅樹園廬晚碧花籬落秋荒陂船護鴨斷岸笛呼牛酒

賤村村醉山寒寺寺幽聊須岸鳥嘯小立埭西頭

秋晚湖上

已過西成賽廟期家家下麥不容遲夕陽遍野人歸後

秋水生灘鷺集時靈藥不治懷抱惡好詩空益髣毛衰

從來未識蘇司業愁絕西風滿酒旗

明日又至山園天微陰再賦

河岸風檣遠村陂牧笛長短籬圍鹿眼幽徑繚羊腸照
水鬚眉見撻橙指爪香衣裘又闔念礮杵滿斜陽

不寐

麗譙聽盡短長更幽夢無端故不成寒雨似從心上滴
孤燈偏向枕邊明讀書有味身忘老報國無期涕每傾
敢為衰殘便虛死誓先鄰曲事春耕

敝廬

敝廬雖陋甚鄙性頗所宜敬傾十許間草覆實丰之確

欽定四庫全書

宋詩鈔
卷六十七

古

聲隔柴門績火出枳籬縛木為瓦牢附垣作雞時黃犢
放林莽蒼鵝戲陂池傭耕食于我客主同爨炊瓦盎設
大杓菹莧羹園葵一飽荷鋤出作勞非所辭上以奉租
賦下以及我私有錢即沽酒阡陌恣遊嬉亦有扶持者
婢跣奴髻椎欲畫恨無人後世考此詩

園中作

誰采桺榔寄一枝北來萬里為扶衰風光最愛初寒候
懷抱殊勝未老時閒引微泉成曲澗盡除枯蔓補疎籬

花前自笑童心在更伴羣兒竹馬嬉

夜四鼓睡覺起行簷間觀新作南籬

星斗闌干天宇清起披短褐繞廊行葉聲颯颯飛霜重
籬影疎疎落月明沙冷斷鴻投別浦風高殘漏下孤城
衰遲自笑情猶在一首新詩取次成

客去追記坐間所言

征西幙罷幾經春歎息兜音尚帶秦每為後生談舊事

始知老子是陳人建隆乾德開王業溫洛榮河絕戰塵

欽定四庫全書

宋詩鈔
卷六十七

十五

倘得此生重少壯臨危敢愛不貲身

追憶征西幙中舊事

大散關頭北望秦自期談笑掃沙塵收身死向農桑社
何止明明兩世人

小獵南山雪未消繡旗斜卷玉驄驕不如意事常千萬
空想先鋒宿渭橋

憶昨王師戡隴回遺民日夜望行臺不論夾道壺漿滿

洛筍河魴次第來

在右部時聞中將
吏有獻此二物者

闔輔遺民意可傷蠟封三寸絹書黃亦知漢法如秦法
列聖恩深不忍忘

關中將校密報事宜
皆以蠟書至宣司

冬夜

颼颼黃葉欲辭枝况著霜風抵死吹投老難逢身健日
讀書偏愛夜長時孤村月白開衣杵破竈煙青煮芋糜
不是用心希陋巷為儒自合耐寒饑

冬日

室中恰受一蒲團也抵三千世界寬上策莫如扃戶坐

欽定四庫全書

宋詩鈔
卷六十七

十六

苦閒猶復取書看蔬青飯輒枝梧老窓白爐新進箇寒
堪笑此翁幽獨慣却嫌兒女話團圓

寒夕

夜扣銅壺徹旦吟了無人會此時心燈殘焰作孤螢小
火冷灰如積雪深風急江天無過雁月明庭戶有疎砧
此身畢竟歸何許但憶藏舟黃蘗林

辛酉冬至

今日日南至吾門方寂然家貧輕過節身老怯增年

俗鄉

謂與冬至飯
即添一歲畢祭皆扶拜分盤獨早眠惟應探春夢已
繞鏡湖邊

客至

何處軒車客能來桑麥村一奴先入市此老自應門野
果嘗皆溫村醅壓尚渾殘年亦何恨治世作黎元

冬夜讀史有感

短檠膏涸夜將殘感事懷人興未闌酌酒淺深須自度
圍棋成敗有傍觀斷齏作飯終年飽大布裁袍稱意寬

欽定四庫全書

宋詩鈔
卷六十七

十五

世上閒愁千萬斛不教一點上眉端

小飲梅花下作

脫巾莫歎髮成絲六十年間萬首詩

予自年十七八學
作詩今六十年得

萬排日醉過梅落後通宵吟到雪殘時偶容後死寧非
幸自乞歸耕已恨遲青史滿前閒即讀幾人為我作著
龜

箕卜

孟春百草靈古俗迎紫姑厨中取竹箕冒以婦蓑襦暨

子夾扶持挿筆祝其書俄若有物憑對會不須臾豈必

考中否一笑聊相娛詩章亦間作酒食隨所須興闌忽

辭去誰能執其祛持箕畀竈婢棄筆臥牆隅几席亦已

徹狼籍果與蔬紛紛竟何益人鬼均一愚

梅花絕句

幾年不到合江園說著當時已斷魂只有梅花知此恨
相逢月底却無言

當年走馬錦城西曾為梅花醉似泥二十里中香不斷

欽定四庫全書

宋詩鈔
卷六十七

青羊宮到浣花溪

聞道梅花圻曉風雪堆遍滿四山中何方可化身千億

一樹梅前一作花一放翁

小亭終日倚闌干樹樹梅花看到殘只怪此翁常謝客

元來不是怕春寒

亂簾桐帽花如雪斜挂驢鞍酒滿壺若得丹青如顧陸

憑渠畫我夜歸圖

紅梅過後到緗梅一種春風不並開造物無心還有意

引教日日放翁來

送子龍赴吉州掾

我老汝遠行知汝非得已駕言當送汝揮涕不能止人
誰樂離別坐貧至于此汝行犯胥濤次第過彭蠡波橫
吞舟魚林嘯獨脚鬼野飯何店炊孤權何岸穢判司比
唐時猶幸免笞箠庭參亦何辱負職乃可恥汝為吉州
吏但飲吉州水一錢亦分明誰能肆譏毀聚俸嫁阿惜
擇士教元禮我食可自營勿用念甘旨衣穿聽露肘履
破從見指出門雖被嘲歸舍却睡美益公名位重凜若
喬嶽峙汝以通家故或許望燕几得見已足榮切勿有
所啓又若楊誠齋清介世莫比一聞俗人言三日歸洗
耳汝但問起居餘事勿挂齒希周有世好敬叔乃鄉里
豈惟能文辭實亦堅操履相從勉講學事業在積累仁
義本何常蹈之則君子汝去三年歸我儻未即死江中
有鯉魚頻寄書一紙

六日雲重有雪意獨酌